



অবিলম্বে প্রকাশের উদ্দেশ্যে: 10/16/2023

গভর্নর ক্যাথি হোকল

নায়্যাগ্রা এবং শেনাঙ্গো কাউন্টিতে 35 ইউনিট সহায়তামূলক আবাসন তৈরির জন্য 8.8 মিলিয়ন ডলারেরও বেশি অনুদান বরাদ্দ করা সম্পর্কে গভর্নর হোকলের ঘোষণা

অনুদানপ্রাপ্ত প্রকল্পগুলো সাবেক গৃহহীন নিউ ইয়র্কবাসীদের জন্য 35টি ইউনিট এবং 76টি বেডের স্থায়ী সহায়তামূলক আবাসন তৈরি করবে

এসব উন্নয়ন প্রকল্প নিউ ইয়র্ক ব্যাপী আবাসনের সরবরাহ বৃদ্ধির জন্য গভর্নরের অঙ্গীকারাবদ্ধতার সঙ্গে যোগ হচ্ছে

গভর্নর ক্যাথি হোকল আজ ঘোষণা করেছেন যে নায়্যাগ্রা কাউন্টি এবং শেনাঙ্গো কাউন্টিতে দুইটি প্রকল্পের জন্য 8.8 মিলিয়ন ডলারেরও বেশি অনুদান বরাদ্দ করা হয়েছে, যে প্রকল্পগুলো গৃহহীনতার সম্মুখীন হওয়া পরিবার ও ব্যক্তিদের জন্য 35টি ইউনিট এবং 76টি বেডের স্থায়ী সহায়তামূলক আবাসন তৈরি করবে।

"সহায়তামূলক পরিষেবাগুলোর সহজ অ্যাক্সেস রয়েছে এমন স্থিতিশীল আবাসন তৈরি করা গৃহহীনতার সম্মুখীন হওয়া ঝুঁকিপূর্ণ পরিবার ও ব্যক্তিদেরকে তাদের পরিস্থিতি থেকে উত্তরণ এবং কমিউনিটির অংশ হিসেবে সমৃদ্ধি অর্জনে সাহায্য করার জন্য আমাদের কাজের একটি অত্যন্ত গুরুত্বপূর্ণ অংশ," বলেছেন গভর্নর হোকল। "সম্পন্ন হয়ে যাওয়ার পরে এসব প্রকল্প আমাদের সঙ্গী নিউ ইয়র্কবাসীদেরকে তাদের সফলতা অর্জনের জন্য প্রয়োজনীয় হাতিয়ার প্রদান করতে সাহায্য করার মাধ্যমে জীবনকে উন্নত করে তোলার অঙ্গীকার ধারণ করে।"

এসব অনুদান অস্থায়ী ও অক্ষমতা সংক্রান্ত সহায়তা বিষয়ক দপ্তরের (Office of Temporary and Disability Assistance) গৃহহীনদের আবাসন ও সহায়তা কর্মসূচির (Homeless Housing and Assistance Program) তরফ থেকে একটি প্রতিযোগিতামূলক প্রক্রিয়ার মাধ্যমে প্রদান করা হয়েছে, যা 2023 অর্থবছরের বাজেটের অংশ হিসেবে প্রাথমিকভাবে গৃহীত গভর্নর হোকলের 25 বিলিয়ন ডলারের সমন্বিত আবাসন পরিকল্পনার একটি গুরুত্বপূর্ণ উপাদান। গভর্নর হোকলের পরিকল্পনাটি পুরো নিউ ইয়র্ক স্টেটে 100,000টি শাস্রয়ী আবাসন তৈরি করবে, যার মধ্যে দুঃস্থ জনগোষ্ঠীর জন্য সমর্থক সেবাসহ 10,000টি থাকবে।

সাম্প্রতিক এসব অনুদানের মধ্য দিয়ে, HHAP 2024 অর্থবছরের বাজেটে প্রদত্ত 128 মিলিয়ন ডলারের অনুদানের মধ্যে 26.8 মিলিয়ন ডলারেরও বেশি বরাদ্দ দেওয়ার অঙ্গীকার করেছে। যেসব প্রকল্পে তহবিল বরাদ্দ করা হয়েছে তার মধ্যে রয়েছে:

- **কমিউনিটি সার্ভিসেস ফর এভরিওয়ান, ইনক. (Community Services for Every1, Inc.),** পরিবার ও ব্যক্তিদের জন্য নায়াগ্রা ফলসে 18টি ইউনিট এবং 26টি বেডের স্থায়ী সহায়তামূলক আবাসন নির্মাণের জন্য 4.5 মিলিয়ন ডলার। এটি একটি বৃহত্তর প্রকল্প, দ্য নেস্ট (The Nest)-এর অংশ, যেখানে মোট 73টি ইউনিট, একটি কমিউনিটি রুম, অন-সাইট রেন্টাল অফিস, লন্ড্রি ফ্যাসিলিটি, ভাড়াটিয়াদের জন্য পার্কিং, এবং খেলার মাঠ সহ সবুজ স্থান ইত্যাদি সহ মিশ্র ব্যবহারের একটি ছয় তলা ভবন নতুন করে নির্মাণ করা হবে। কমিউনিটি সার্ভিসেস ফর এভরিওয়ান (Community Services for Every1) স্থানীয় অধিবাসীদের জন্য চাকরির প্রস্তুতি গ্রহণ এবং কর্মীদল উন্নয়নের সুযোগ প্রদান করতে এই বাণিজ্যিক স্থানটি কাজে লাগাবে।
- **গ্রেটার অপারচুনিটিজ ফর ব্রুম এন্ড শেনাঙ্গো, ইনক. (Greater Opportunities for Broome and Chenango, Inc.),** নিউ বার্লিনের দীর্ঘদিন ধরে গৃহহীন অবস্থায় থাকা ব্যক্তি ও পরিবারগুলোর জন্য 50টি বেড সহ 17টি ইউনিটের স্থায়ী সহায়তামূলক আবাসন তৈরির জন্য 4.3 মিলিয়ন ডলার। এই প্রকল্পের মধ্যে সাতটি বিদ্যমান ইউনিট সংরক্ষণ করা এবং 10টি ইউনিট নতুন করে নির্মাণ করার পাশাপাশি তিনটি ভবনের মাঝারি মাত্রার সংস্কার এবং আরেকটি ভবনের আমূল সংস্কার সম্পন্ন করা অন্তর্ভুক্ত রয়েছে।

সেইসাথে, ইউনাইটেড ভেটেরান্স বিকন হাউজ, ইনক. (United Veterans Beacon House, Inc.)-কে সাফোক কাউন্টিতে 10টি বেশ বিশিষ্ট একটি জরুরি আশ্রয়কেন্দ্রে একটি শেয়ারকৃত বাথরুমের সংস্কারকাজ সম্পন্ন করার জন্য 18,285 ডলার প্রদান করা হয়েছে।

নিউ ইয়র্ক স্টেটের অস্থায়ী ও অক্ষমতা সংক্রান্ত সহায়তা বিষয়ক দপ্তরের ভারপ্রাপ্ত কমিশনার বারবারা সি. গুইন বলেন, "এসব প্রকল্পে স্টেটের বিনিয়োগ নিরাপদ, সাশ্রয়ী আবাসনের লভ্যতা সম্প্রসারণ করবে, যার মধ্যে এসব কমিউনিটির সাবেক গৃহহীন পরিবার ও ব্যক্তিদের জন্য সহায়তামূলক পরিষেবাসমূহ প্রদান করা অন্তর্ভুক্ত রয়েছে। গভর্নর হোকল নিউ ইয়র্ককে সবার জন্য আরো বেশি সাশ্রয়ী ও বসবাসযোগ্য করে তুলতে স্টেট জুড়ে সহায়তামূলক ও সাশ্রয়ী আবাসনের সরবরাহ বৃদ্ধির প্রতি প্রচেষ্টা নিবদ্ধ করার সঠিক সিদ্ধান্ত গ্রহণ করেছেন।"

কমিউনিটি সার্ভিসেস ফর এভরিওয়ান-এর CEO মিন্ডি সেরভোনি বলেন, "এই অনুদান কমিউনিটি সার্ভিসেস ফর এভরিওয়ান-কে নায়াগ্রা ফলস সিটির সাশ্রয়ী, মানসম্মত, ও সহায়তামূলক আবাসনের উল্লেখযোগ্য, পূরণ না হওয়া চাহিদা মোকাবেলা করার সুযোগ প্রদান করেছে। দ্য নেস্ট 18টি স্থায়ী সহায়তামূলক আবাসিক ইউনিট প্রদান করবে এবং কমিউনিটি সার্ভিসেস ফর এভরিওয়ান-কে অধিবাসীদের আবাসনের অস্থিতিশীলতার জন্য দায়ী যেকোনো বিষয় মোকাবেলায় সহায়তা করার সুযোগ করে দিবে। সম্প্রতি ঘোষণা করা এসব অনুদানের জন্য আমরা গভর্নর হোকল এবং OTDA-এর গৃহহীনদের জন্য আবাসন ও সহায়তা কর্মসূচির প্রতি কৃতজ্ঞ। এই অনুদান গৃহহীনতার সমস্যা মোকাবেলার জন্য অতি গুরুত্বপূর্ণ তহবিল প্রদান করবে।"

গ্রেটার অপরচুনিটিজ ফর ব্রুম এন্ড শেনাঙ্গে কাউন্টিজ-এর CEO মার্ক সিলভানিক বলেন, "আমরা এই বিষয়টি জেনে অত্যন্ত আনন্দিত যে এই তহবিলের রাউন্ডে আমাদেরকে HHAP অনুদান প্রদান করা হয়েছে। আমাদের সৌভাগ্য যে আমরা ব্রুম কাউন্টিতে এসব প্রকল্পের মধ্যে বেশ কয়েকটি সম্পন্ন করতে পেরেছি। এসব প্রকল্প বাস্তবায়নের ক্ষেত্রে আমাদের অভিজ্ঞতা শেনাঙ্গে কাউন্টিতেও মানসম্মত নিরাপদ ও সাশ্রয়ী আবাসন নিয়ে আসতে আমাদেরকে সাহায্য করবে। দেশের অন্য বহু স্থানের মতোই শেনাঙ্গেও আবাসন সংকট থেকে মুক্ত নয়। এধরনের প্রকল্পগুলো আমাদের দেশকে ক্ষতিগ্রস্ত করতে থাকা আবাসনের অনিরাপত্তার ক্রমবর্ধমান সমস্যার বিরুদ্ধে লড়াই করতে সাহায্য করে। এই অনুদান পাওয়ার বিশ্বাসযোগ্যতা অর্জন করতে পেরে আমরা আনন্দিত এবং আমরা গৃহহীনতা দূরীকরণে আমাদের সাধ্যমতো সর্বোচ্চ প্রচেষ্টা চালিয়ে যাবো।"

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)